

Dastumad Pennwern : dornskrid 89

56. AR MENOBRI (follennoù 186 - 189)

Iannik Chiffon, iannik an Heri
 Zo ed o daou dar Menobri
 Evid delc'hel hostaliri
 Hir eo an ent pel eo mond d'hi.

Er Menobri pa zint erruet
 Entren er pors o deus goulennet.
 Ar Pab ractal vel man deus klevet
 An or dezo a neus digoret.

Iannik Heri a lavare
 Da Iannik Chiffon en deüs a voë :
 - Te a ha dar ger, me nen din ket
 Ma gourhemennou a reffet
 Dam zad, dam mam, dam c'hoarezet
 Da Mari Prioll ma muan karet.

Iannik Chiffon a lavare
 En ti an Heri gos pa harrue :

- Gourhemennou o c'heus digant o mab ianik Heri
 Zo prizonier er Menobri:
 Hir eo an hent pell eo mont d'hi.

An heri kos a lavare
 Da Iannik Chiffon vel men kleve :
 - Te a zo bet kaus d'am mab mond var ar mor.

Iannik Chiffon evel ma c'hlevas
 Er mes an ti e sortias
 Da ti Vari Priol en a hias.

Bonjour dec'h Marik ar Priol
 Gourhemennou o c'heus digant o tous, Ianik Heri
 A zo prizonnier er Menobri:
 Hir eo an ent pel eo mond d'hi.

Marik ar prioll an deveus gret
 Ar pes ne rache den e-bed :
 Deus goëzet he douar hag he zi
 Da pea ransson Iannik Heri.

- 154 -

Iannik Chiffon, Marik ar Priol
 Zo ed o daou d'ar Menobri
 Da pea ar rançon Iannik Heri:
 Hir eo ent, pel eo mond di.

Er Menobri pa zint erruet
 Entren er pors o c'heus goulennet
 Ractal dezo eo bed digoret.

Er pors evel ma zeo entreet
 Dan douar eo bet simplet.

E vellet an n'hezan stag deus ar strak
 Evel all loened mud e ti he zad.

Marik Prioll a lavare
 D'ar c'habiten en deis a voë :

Kimerit arc'hant deus va davancher
 Lest va douss kloarek da zond dar ger.

Pa erruimp en om bro
 Nhi kavo belek ag on eureujo.

(Ar 5 poz dibenn ne glotont ket ouzh ar werz-mañ
 gas a reont da soñj pozioù 'zo eus Janed ar Iudek

Dar iaou gamblut e harrue
 Dar Sul Fask he hofferenne.

Pa voa he sevel dar kreïen° ° Komp.:krec'hi
 E deuas poan dizi hen he fen.

Pa voa ed dirag an or dall
 E klevet he halon he strakall.

Pa voad gant ar gouriou
 E koueze Mari var he hino.

Benos Doue var he hine
 Requiescat in pace.

vvvvvv

Jannet Puill, 14 janv. 1851.

vvvvvvvvvvvvvvvv